

## QUÆSTIO CHIRURGICA,

QUOD LIBETARIIS DISPUTATIONIBUS,  
manè discutienda in Scholis Medicorum, die Martis vigesimâ septimâ  
mensis Aprilis, Anno Domini M. DCC. LXII.

M. JOSEPHO-MARIA-FRANCISCO DE LASSONE

Serenissimæ Francorum Reginæ Medico primario, Consiliario Regis  
in Sacro Consistorio, Regiæ Scientiarum Academia Socio, Regio  
Librorum Censore, Doctore Medico, Præside.



An magni Abscessus Ferro, non Cauteriis, aperiendi?

I.



UISQUIS est Febri vel inflammationi succedens Tumor criticus, mollis, circumscriptus, Abscessus vocatur. Hoc facto veluti Gemonio expellit Natura furens, quidquid luxuriatur sanguini noxium; hæc Committigatæ, Coctæ, & quali Concrematæ vasorum impetu, detruduntur quotquot sunt casu vel morbo dissociatæ, fractæ, adulteratæ corporis partes; adeoque jam dissolutâ humorum primordialium commixtione, nova aggeritur seu damnata quædam materies, Puls scilicet viscosa, liquens, albida, cum aquâ miscibilis & in eâ fundum petens, quæ Pus dicitur. Sic suâ nativâ deperditâ indole peregrinum fit quod antea erat corpori assimilatum, atque inde foras exulare seu abscedere coactum, non malè Abscessus audit, nec perperam Hippocrates ab eoque Severinus & alii benè multi, Abscessum definiunt, *Recessum materię* nocivæ in *quemdam locum*. Porro cum in formando abscessu unus sit ille Naturæ finis, ut se se à pernicioso hoste vindicet, non sufficit ipsam ad quamcumque partem recessisse materiam, si non corpore omnino & funditus excludatur. Ut ut enim lene aut benignum habeatur Pus, fermentum est non ita deses, ut diu & usquam possit morari innoxium, quin è contrâ ita faciliè actuosum est, ut si certâ quâdam copiâ abundet & alicubi diutius delitescat, partes quibus reconditur, crudelis sæpè & indomitus divexet hospes, improbam dispendat circumquaque labem, aut etiâ sanguini vel minimùm refluendo, novâ iterùm sed funestiori tragœdiâ debacchetur. Expedi itaque Medicum tutiora & præstantiora cognoscere media, quibus citior fiat puriseductio: sed cum huic efficiendæ tarda sæpè forent ut plurimùmque inausa Naturæ & Pharmaciæ conamina, auxilio vocanda est Ars Chirurgica, quæ abscessus claustra referando, damnatæ materiei exitum præbeat: quâ verò ratione? quo modo? inter Cauterium & Ferrum ambigitur, moveatur hæc disputatione quæstio.

I I.

TRIA sunt quæ in omni conficiendâ operatione, tritissimo nec minùs valenti Adagio commendant omnes Medici & Chirurgi, & quæ etiâ in aperiendis abscessibus minimè contemnenda ducimus: hæc sunt, Asclepiade authore, tribus concepta verbis: *mitè, citò, & jucundè*; Per hoc *mitè*, intelligimus partes ita cautè, ita prudenter esse tractandas, ut nullâ factâ inutili labe, irritatione, aut læsione quâcumque, nullum malum addatur malo, & sic certius feliciusque succedat operatio; *citò* verò & *jucundè* ad instrumenta non minùs quàm ad manum operantis applicare est, si quidem his clarè præcipitur ea omnibus anteponenda esse, quæ promptius levamen cum leviori dolore præstare valent. Duo igitur hæc nobis attendenda veniunt: 1º. partes corporis quæ vulgò sunt vacuandis abscessibus aperiendæ: 2º. instrumenta quæ in iis aperiendis minorem cruciatum, citiorem opem possunt afferre. Jam verò ut ad omnes ferè abscessus attingendos, transadigenda semper sunt integumenta, non abs re de iis pauca quædam præmittere. Nullos certè fugit quàm molli & viva sensibus pateat curis, quæ primum integumentorum, ipsum est generale exteriusque corporis involucrum, quod omnes usique partes convestiens triplici

texturâ distinguitur; una Epidermis est seu Cuticula quæ squamosa, sensus expers, nullis irrigata vasculis, modò rarior, modò densior, externam corporis superficiem obtegit, innumerisque concubillata porulis, transpirationi incerniscularum præbet; altera Corpus Reticulare dicta, quidam veluti mucus est, reticuli adinstar dispositus, qui cuticulæ subtilis & arctissimè cohærens, omnes nervorum papillas, mirâ mæandrorum implicatione convolvit; tertia deniquè Corium est, seu Derma, Cutisvè propriè dicta, quæ fibris tendineis, extremisque vasorum & nervorum propaginibus contexta, exquisitissimo sensu donatur. Tandem succedit integumentorum secundum, Membrana Cellulais, quæ cuti subjecta, nihil aliud est quàm membrana parùm vasculosa, partim fibris tenuissimis conflata, hîc gracilis, ibi densa, angustiores, latioresvè cellulas efformans, in quibus pro variis partibus, majore vel minore copiâ secernitur liquidum quoddam oleolum, pingue, butyraceum, Adeps nomine. His breviter notatis jam faciliè percipi potest quid ratione textûs & teneritatis perpeti valeant aut ferre recusent incrementa; adedque an Cauterio, an Ferro potiùs aut perindè sint icienda, nunc in proximo demonstrare est.

I I I.

**C**AUTERIUM, seu Pyroticum, genericè nuncupatur quod urendi vim habet sive Actu, sive Potentiâ. Si Actu eam vim exerat, Actuale; si Potentiâ, Potentiale dicitur. Primo nomine audiunt ignitabula vel materiæ ignitæ omnes, quæ partes corporis præcisâ & citissimâ concrematione dissolvunt, quorumque eò major numerus & varietas est, quòd nullum datur ex rebus inferioribus corpus, ut ait Severinus, ex quo non possit ignis efca parari: altero nomine intelliguntur medicamenta corrodentia seu Cautistica quæcumque, ut sales lixiviales, alkalini, maxime acidi fossiles, metalla ipsis acidis ad crystallinam concretionem redacta, calx & alia infinita quæ sive inducunt quâdam cum corporis humoribus effervescentiâ, sive peculiari quâ pollent colliquandi, lacerandi, consumendi facultate, tam solidorum quam fluidorum vitam & integritatem plùs minùsve dirimunt, escharras informando carniùm assatarum crustis non sanè dissimiles. Hæc & illa autem, etiamsi innumerâ dividantur specie, pauciora tamen in aperiendis specialitè abscissibus vulgariter usurpantur; hæc sunt inter Actualia, Metalla Ardentia, præcipuè Ferrum; inter Potentialia, Lapis causticus, Butyrum Antimonii, quæ idcirco sola nunc in nostram mentionem incidunt. Metalli vel Ferri candentis effectus præcipui sunt illi: 1º. quòd non simplici factâ diresi, sed productâ semper substantiæ deperditione, partes solvat & aperiat; 2º. quòd violentâ & præcipiti suâ actione torrendo, fulminis instar, ferventem & rapidam provocet nervi concussionem, proindeque vehementissimum dolorem determinato tamen loco & tempore conciter; 3º. quòd circumstantes partes arefaciendo, suis eas fluidis penitus exuat & vividâ corrugatione contrahat; 4º. denique, quòd easdem languentes aut labefactas ad vitam & irritabilitatem nonnunquàm impetuosâ vellicatione revocet. Distinguitur Lapis Causticus, Butyrum Antimonii, 1º. impropere, nec minùs ardenti solidorum erosione, 2º. latius protractâ etiamque diuturniori irritatione nervorum, quam necessariâ concomitatur dolor assiduus, spasmus, febris, inflammatio, suppuratio larga, vel quandòque tota sanguinis depravatio: quibus omnibus ritè & ad amissum consideratis, jure concludimus, deleteria esse, imò insensibilissima, vasculosis, nervosis partibus, ipsisque speciatim integumentis cauteria, idèdque non inconscientè, non leviori ratione, sed in his tantùm urgentibus casibus esse adhibenda, ubi occurrit vel laxitas, vel torpore, vel sanies, vel humiditas nimia, vel infarctus, vel stupor, vel mors alicujus partis imminens, ut non sinè fervido quodam impetu, possit exfulcitari vis vitæ languida aut deficiens. *Cauterisatio*, inquit Avicenna, (a) est medicamentum valde utile juvans ad prohibendum ne corruptio spargatur, & ad confortandum membrum cujus complexionem frigidam volumus restitueret. Aliàs (b) Fit cauterisatio in corporibus humidis ad exsiccandum eas, & in carnibus laxis ad indurandum eas, & calefaciendum corpora infrigidata, &c. Tales autem indicationes præbent Tumores, ut aiunt, frigidi, strumosi, fungosi, venenati, putridi, Bubones critici, maligni, pestilenciales, Suppurationes lentæ, Phegmones œdematosi, Affectiones paralyticae, Gangræna, non omisâ ossium Carie, cui delendæ quantum valeat ignis, nemo certè inficialis est. Notandum verò hic obiter in plerisque his casibus sæpiùs anteponendum esse cauterium actuale, (c) cujus vis torrida, prout momentanea & terminata, tantò præstat lentæ & excrucianti causticorum actioni, quòd illa paucis est:

(a) Lib. 1.  
cap. 4. Doct.  
(b) Id. Canon.  
corum part.  
25.  
(c) Fabric.  
ab. Aquap.  
cap. chir. p. 1.  
Acrius, lib.  
21. cap. 25.  
Mori. Au.  
rel. Sev. Py.  
cap. Chir.  
lib. 1.

exitiosis eventibus obnoxia, dùm ista effrenâ & incendiariâ suâ sævitie, totam sæpè sanguinis massam perturbat, nec rarò ad extinctionem usque ægrorum, crudelissimos pandit effectus, putà nauseas, vomitus, tormina, dolores irrequietos, vigilias, convulsiones, deliria, quæ si morte non infrequenter excipiantur, hoc certè nulli mirum esse debet. Quidùm verò hæc subire malorum pericula, ubi totus est in magno abscessu morbus? ubi larga affluens puris copia, nihil aliud exigit quàm simplicem & promptam liquaminis detractionem. Quid hîc quæso aperiendo abscessus crudelis, terrificæ ignis efficaciam? quid longus & ardens causticorum morsus? An deest lenius aut promptius diæresis medium? An est de ejus efficaciam dubitandi ratio? Solvat ambiguum ferri comparatio.

## I V.

**F**ERRUM chirurgicè vocatur Lamella quæcumque ferrea, in exilissimam aciem tenuata, cujus ope partes corporis molles possunt præcisâ concisione diffindi, tales sunt adaperiendis abscessibus, familiares apud Chirurgos lanceolæ, cultelli, forficæ quorum acies acuminatissima, ferrulæ tenuissimæ vices gerens, obvium quoddam quàm inimicâ fieri potest violentiâ & brevissimo dolore dividit. Sic diductâ tantummodò uniti cohesione, vulnus simplex, seu solutio continui recens efficitur, quæ nullâ complicata partium alteratione faciliè resarciri, coalescere, conglutinari potest. Sic subitò peractâ sectione parçitur dolori, parçitur partium integritati, ac tandem ociùs patefactis abscessus latebris, opportunè & absque moræ periculo, educitur purulenta materies. His ferri dotibus conferantur nunc pyroticorum effectus, quid proderunt nisi acerbos cruciatus, amplas partium destructiones, multi generis pericula? non omitendo *longiore escharæ casum, seram partium destructionum resolutionem* \*, difficilem coalescentiam, quam sæpè sequitur cutis difformitas. Hæc præter tanta cauterii utriusque incommoda, unum ad caustica magis pertinet ad eaque avertenda maximè sufficit, quod ex lege semper, temper lentâ agendi virtute, puris exitum retardent, adeoque ipsi vel adaugendi vel resuendi tempus anslamque præbeant. Notissimum enim illud etiamque verissimum axioma, *Pus Pure conficitur*. Undè jam de veterinariâ cantabat Mantuanus Pœta,

\* *Marc. Aurel. Sever. Chirurg. ethicæ, Part. II.*

..... Alii vitium vivitque tegendo,  
Dum medicas adhibere manus ad vulnera Pastor  
Aveniat, & meliora Deos sedet omnia possens.

Sunt indè in magnis abscessibus maximè pertimescenda partis abscedentis colliquatio, excidium, puris in putrilaginem conversio, vel in massam sanguineam resorptio, Metastasis, &c. hæcque omnia à causticis, plurima ab igniferis, dum ferro tuta, cita, mitis semper medicina; cedant ergò Apilotomiæ Pyrotica.

Continuè culpam ferro compesce priusquam  
Dira per incautum serpant contagia vulnus.

Ubi igitur cessante inflammatione, vel internis vel externis, talis adnascitur tumor, ut in umbonem elevatus, extenuato jam cacumine, vel aliis signis mollescere comperiatur, Abscessus maturus proindeque subitò aperiendus esse censeatur. Apprehenso itaque dexterâ cultello, vernaculè *Bistouri*, incipiatur sectio à parte superiori mediâ ad totam integumentorum spissitudinem, & secundum fibrarum rectitudinem, cautis videlicet cavendis, intrepidè peragatur, ut cutis cæteraque involucra totâ tumoris longitudine exarentur, planèque patente abscessus fundo dehiscant. Si deindè ita excavatus fuerit materiæ focus, ut possint quædam puris reliquiæ alicubi abscondite nidulari, vel etiâ ita flaccida, aut aliundè morbosa apparuerint integumenta, ut difficile cum carne conglutinanda videantur, tunc iteranda in crucis formâ discussio, quatuorque indè dati anguli, forficibus rescari, abscondi debent, ut sic vulnus habeatur largum, ovale, linamentis carptis, splenisque pro more medicandum.

## V.

**V**ERUM non levis momenti est adversans nobis Divi Senis auctoritas, qui passim de thoracis & jecoris suppurati unctione loquitur. Sed pace tanti Viri dixerim, fuit illa antiquioris ævi barbariæ accommodata praxis, quâ inconfliti minùs quàm inexporti Majores, omnes ferè abscessus cauterio aperiiebant. Si magis fortè quàm par est obsolevit illa consuetudo, saltem fuit semper ab omnibus magnis abscessibus planè rejicienda, nec quidem obflare debet Aretæi \* aliàs commendatissimi ratio, qui ad aperiendos je-

\* De causis & signis morborum, lib. I. cap. XIII.

coris abscessus, ignem post habitâ sectione præcipit, ut indè profluvium sanguinis vel hæmorrhagia coerceatur, quam ferro maximè pertimescendam esse prætendit: huic appositè magis respondere non possumus quàm ipsis celeberrimi Boerrhaavii commentatoris verbis. (a) *Interim tamen videtur à sectione prudenter institutâ non tantum Periculum esse lethalis hæmorrhagiæ, dum enim perunditur talis abscessus, cuticuli vel lanceolæ apex hæret in sacco pleno pure, quod removet ad magnam satis distantiam, membranam pus coercentem à vasis suppositis. Præterea observata docent viscerum totam substantiam per abscessus purulentos quandoque consumi absque ullâ hæmorrhagiâ, licet maxima etiâ vasa sanguinea adsint: & hæc ut probem exemplis, duabus confirmabo observationibus.*

Anno 1755, dum adhuc sub celeberrimo D. Morand, Avunculo carissimo, in Invalidorum Domo Chirurgiæ incumbēbam, occurrebat mihi tricenarius quidam miles nomine *Guede*, qui subitò tussi violentâ, maximâ spirandi difficultate & penè suffocatione correptus, vomicam subindè, seu pus lutulentum, putidissimum, pleno ore exspuebat. Erat ipsi insuper dolor gravans ad latus dextrum propè mamillam, inter quartam & quintam legitimam costam, ubi jam ab octo annis vulnus sclopetarium acceperat. Admotis digitis, persensî aliquam contenti liquidi fluctuationem, nec dubitavi quin ibi esset vomicæ focus. Suadente igitur & præsentē D. Morand, sectionem institui, quâ peractâ tam vehementer profiliit pus, ut totus penè fuerim conspurcatus. Erat sanè fœtoris intolerabilis materia, copîaque heminam superabat, sed factâ pro more medicatione cum victu aliquo lactis, planè intrâ viginti dies restituebatur æger. (b)

Anno 1759, mense Martii ineunte, adveniebat in Nosocomium Adjacense æger quidam & Helvetus miles, nomine *Brack*, qui ab uno vel altero mense, ictero laborabat; huic febris nulla, sed dolor aderat lateris lancinans, quo hepatitidem formari maximè suspicabar; applicato idè cataplasmate resolvente, post exactum mensem, die scilicet 3<sup>a</sup>, Aprilis, dolor evasit; palpani interim an factus fuisset abscessus, obvis mihi fuit quidam, sed obscurus latentis & renitentis fluidi sensus; advocatis idè in crassimam lucem pluribus in exercitu Chirurgis, jussî Aploetomiam esse instituendam, etiamsi refragarentur omnes, abscessumque esse negarent. Maius admovebat D. Romand Chirurgus Nosocomii primarius, qui primâ tentatâ punctiōne, cum videret nihil aliud prodire quàm longum aëris sibilum, me credidit in errorem adductum, instante me tamen ulterius perrexit, ac impresso profundius cultello, inter ultimam legitimam & primam spuriam costam, largâ factâ sectione, duas circiter libras puris amurcosi fetentissimi & ipsissimi (c) eduxit maximo ægri solatio; intromittebatur per aliquot dies turunda aliqua mollis, quâ apertus tenebatur materiæ exitus, ast intrâ quindecim dierum spatium, tam perfectè exsiccabatur ulcus, ipso jam coalescente vulnere, ut cum medio Aprilis, castis mutatis, Calvitiū appelleremus, Chirurgus præcipuus exercitus D. Brion, qui, nescio quâ ratione dubitans de ulceris exsiccatione, me absente, denuò aperuerat vulnus, nihil quidquam in eo purulentum inveniret. Obvenerunt mihi multi alii casus quos hic adhuc possem subjungere, si non ii sufficerent ad stabiliendam ferri laudem; superfedemus itaque, futilem mittendo rationem eorum qui, pavescitibus ferrum ægrotis, caustico quandoquè obsecundandum volunt. Misereamur imprudentium qui temeraria & perniciosa sectantur, sed prudentibus semper suadeamus optimum. *Debet id quod dolorem facit, quàm minimo tempore adeste, quod fiet celeriter administratâ sectione.* (d).

*Ergo magni abscessus ferro, non cauteriis, aperiendi.*

## DOMINI DOCTORES DISPUTATURI.

M. Natalis Nicolaüs Mallet.

M. Marinus - Jacobus Clarus Robert.

M. Raymundus de la Riviere.

M. Franciscus-Ludovicus-Thomas d'Onlée.

M. Maximilianus-Josephus Leys.

M. Ludovicus-Petrus le Hoc.

M. Guillelmus Fumée.

M. Guillelmus Berthold.

M. Antonius-Nicolaüs Guenault.

Proponēbat Parisiis SIMON VACHER, Bisuntinus, in Universitatē Bisuntinâ Doctor Medicus; Saluberrimæ Facultatis Medicinæ Parisiensis Baccalaureus, nec non exercitijs Regi in Insulâ Corsicâ nuper Medicus, Theses Auctor. A. R. S. H. 1762. A SEXTA AP. MERIDIEM.

(a) Van-Swieten commentar. in Aphor. Boerrha. Parisiis 1754. tom. III. p. 115.

(b) Hinc observandum est non semper ad litteram esse sumendum. Hipp. aph. 45, sect. VII. Coac. prænot. Sect. II. N°. 409.

(c) Vide Not. sup.

(d) Hipp lib. de Medico, Sect. I.